



歷代世譜卷之六

南朝世譜

宋武帝 永初

劉裕彭城人少賤長勇健謀在王業以勳立
封王遂篡位在位三年

少帝 景平

名義符武帝子嗣位居少帝位義符篡位
等廢而弑之在位一年

文帝

元嘉

名義隆。武帝第三子。其母李氏。在位三十年。俗於斯為美。末年其政漸衰。為太子劉劭所弒。在位三十年。

孝武帝

孝建

大明

名駿。文帝第三子。謀劾即位。機警便洽。而奢淫貪利。終日酣飲。在位十一年。

廢帝

景和

名子業。孝武帝子。自少無母。即位居喪。嚴備。誅殺骨肉。恣為不道。在位一年。壽終。故之。

明帝

泰始

泰康

名或。文帝子。封湘東王。臣下其之。本性好讀書。其昆弟殆盡焉。在位八年。

蒼梧王

元微

名昱。初明帝無子。以宮人賜嬖人李遷兒。遷年十歲立。無道。蕭道成弒之。在位五年。

順帝

景明

名準。明帝第三子。十一歲。即位。在位三年。而薨。在位三年。

右宋八主共六十年

宋歷年圖曰。晉氏渡江已來。君弱臣強。禍亂相繼。至於元興而桓氏篡位。高祖首唱大義。鮮合同志。起於草萊之間。奮臂一呼。凶黨瓦解。遂秉靈寶之首。奉迎乘輿。再興王室。厥功已不訛矣。既而治兵。

誓衆經營四方。揚旗東征。廣固橫潰。卷甲南趨。盧循殄滅。偏師而上。燕縱授首。統卒北驅。姚泓面縛。遠汎掃伊洛。修奉園陵。震驚旃裘之心。發舒華夏之氣。南國之盛。未有過於斯時者也。然區宇未一。蹂於天位。委棄秦雍。以資寇敵。使大功不成。惜哉。文帝勤於為治。子惠庶民。足為承平之良主。而不量其力。橫挑強胡。使師徒殲於河南。代馬飲於江津。及其末路。狐疑不決。卒成子禍。豈非文有餘而武不足耶。夫以孝武之驍。湯明帝之猜忌。得保首領。以沒於臚下。幸矣。其何後之有。

齊高帝 惠元

蕭道成為宋相國封齊公。進爵齊王。遂篡位。帝清
儉深沉。大量博學能文。在位四年。

武帝 承明

名順。高帝太子。即位之後。留心政事。嚴明大斷。盜
賊息。百姓足。在位十一年。

鬱林王 隆昌

名昭業。武帝太子。長懋之子。太子早卒。昭業立。既
即位一年而無道。蕭繹殺之。

海陵王 延興

名昭文。武帝之孫。繹生之。起居。以貴。皆諸於高
而後行。繹廢之。而自立。稱獻之。

明帝 建武 承壽

名鸞。高帝第三子也。初封宣城王。廢綏。二立而自
立。在位五年。

東昏侯 永元

名寶卷。明帝子。無道。雍州刺史蕭衍圍建康。以廢
之。在位二年。

和帝 中興

名寶融。明帝第八子。初為南康王。蕭衍立而篡。綏

之在位一年

右齊七主共二十四年

齊廢年圖曰高帝以功名之感不容於暴暴之亂
遂取而順守之亦一時之良主也明帝自以得於
不義猜忌高武子孫誅夷殆盡深戒東昏以先事
制人而大臣疑懼禍變相尋卒亡其國夫不務令
德而殺人以自安自古以來未有能濟者也

梁武帝 天皇 普通 大通 中大通 大同 中大同 太清

蕭衍字叔達為齊相國封梁公進爵梁王遂篡位
恭儉慈孝博學能文勤於政事而僻好佛法後為

侯景所逼而殂在位四十八年

簡文帝 大寶

名綱武帝太子侯景立之在位二年為景所制遂
廢而弑之侯景篡位湘東王繹與王僧辨共攻景
而戮之

孝元帝 承聖

名繹武帝第七子封湘東王建康既亂即位于江
陵西魏遣于謹伐梁城陷帝出降為魏人所殺在
位三年

敬帝 紹泰 太平

名方智。元帝太子封晉安王。江陵既破。即位于建康。未幾為陳霸先所篡。在位二年而梁亡。

右梁四主共五十五年

梁歷年圖曰。武帝當齊之季。任居方面。危不自安。乘時奮起。以除昏主而成大業。及享國日久。善通大通之際。遭魏氏衰微。王公牧守。強屬而歸之。戎車北征。至於洛汭。觀其勤身約已。好尚文雅。附循士大夫。亦可謂恭儉寬惠之君矣。然以萬乘之主。為桑門之行。屈身傾國。以奉浮屠。恩勝於威。紀綱不立。信佞臣之謀。貪河南之地。棄與國寵叛人。遂

使其臺城覆沒。若而餒死。江淮以南。鞠為荊棘。其智未足稱也。夫德澤不能及。而享其六利。聖人禍之。譬如悅盜賊之財。而延之入室。財不可得。而喪其所有。必矣。其子孫各擁強兵。列居重鎮。不救君父之危。而窺間乘便。更相屠滅。元帝於兄弟之中。殘忍尤甚。是以雖剪亮渠。而克復故業。旋踵之間。身為俘馘。豈特人心之不與哉。亦天地之所誅也。

陳武帝 永定

陳霸先為梁相國。封陳公。進封陳王。遂篡位。雄傑。鄧儉而好佛。在位三年。

文帝

天嘉

天康

名禧武帝兄之子。初封臨川王。明察勤儉。在位七年。

臨海王

光大

名伯宗文帝之子。在位二年。安成王頊廢之而自立。

宣帝

大建

名頊文帝之弟。封安成王。廢伯宗而自立。在位十四年。

後主

至德

禎明

名叔寶宣帝子。奢華酒色。近習用事。將帥解體。兵滅陳。虜之。在位七年。

右陳五主共三十三年

陳歷年圖曰。武帝與王僧辨同事。梁室謀夷。侯景來。特伺間。卒成大業。奄有江南。斯亦難矣。文帝躬勤政事。足為良主。孝宣值齊之衰。而塔土。連周之興。而喪師。豈非不恃內而恃外者邪。夫以陳國區區。不能居天下五分之一。慄慄危懼。猶不能保其社稷。况後主荒蕩無度。以趣之。納身者。非不亦宜乎。

後梁宣帝蕭譽。梁武帝昭明太子統之子。統不得立。梁既亂。西魏立譽為梁王。即位建都江陵。今荊州。

明帝名歸。宣帝之子。年慈幼。幼臣事。月朝。境內安謐。

無事 天保

後主名琮。明帝之子。即位二年。隋文帝廢其國。唐運。

右後梁三主共三十三年

北朝世譜

魏道武帝 登國 皇始 天興 天賜

拓拔氏名珪。世居北方。初為代王。改號魏。遂稱帝。都平城。仿古設官。制禮定律。後為子紹所弒。

明元帝 永興 神瑞 泰常

名嗣。道武子先為王時。自生年用長壽。嵩等八人為政。時謂八

公。開拓境土。

太武帝 始光 坤靈 延和 太延 太平真君

名壽。明元太子。勇健聰明。兼包并吞。自淮以北。悉

有之。中常侍宗愛懼誅。弒帝。尚書源賀。虛勒兵。不愛

文成帝 興安 興光 大興 和平

名濬。太武之孫。討的時宜。懷集中外。民心得安。

獻文帝 天安 皇興

名弘。文成太子。聰惠剛斷。而喜佛老。禪位于太子。自稱太上皇。

孝文帝 延興 承明 太和

名宏。獻文太子。至孝。變左衽之俗。修文明之教。改姓元氏。政事禮樂。蔚然可觀。

宣武帝 景明 正始 永平 延昌

名恪。孝文太子。十四即位。倖臣外戚。交相用事。魏政由是漸衰。

孝明帝 熙平 神龜 正光 孝昌

名詡。宣武太子。六歲即位。胡太后淫穢。佞倖盈朝。盜賊起。后弒帝。爾朱榮殺后。

孝莊帝 永安

名子攸。獻文之孫。爾朱榮逆為亂。帝手誅之。榮之黨廢帝弒之。

東海王 建明

名曄。封長廣王。爾朱兆等之之。僅月餘而廢之。

節閔帝 普泰

名恭。封廣陵王。爾朱兆等之之。高歡以兆廢之。起兵誅兆弒帝。

安定王 中興

名朗。高歡立而廢之。再立平陽王修。修懼歡奔長安。歡立清河王子善見於洛陽。分為東西魏。

石元魏一十二主共一百四十六年

西魏

武帝 永熙

名脩。即平陽王高歡立之。特宇文泰都督關中。帝

奔長安。以泰為丞相。卒。諡帝

文帝 大統

名寶。初為太宰。封南陽王。宇文泰立之。軍國政

事一出於泰

廢帝 不敗元

名欽。文帝太子。即位初年。欲誅宇文泰。謀泄。泰廢之。置之雍州。

恭帝 不敗元

名廓。廢帝之弟。宇文泰立之。泰死。子覺稱帝。為太師。自稱周公。遂廢帝而篡位。

石西魏四主共二十五年

東魏

靜帝 天平 元象 興和 武定

名善見清河王世子也。孝武過於高敞。既奔長安。
擊別立善見。建都洛陽。時年十一。遷都于鄴。歡自
為大丞相。勃海王。歡死。子澄。靜貴。出帝於含章堂。
澄遇殺。其弟洋自進。但相國封齊王。遂廢靜帝而
篡焉。

北朝元魏

歷年圖曰。後魏之先。世居朔野。有國久矣。道成。乘
燕氏之衰。悉舉引弓之民。以憑陵中夏。馬首所向。
無不望風奔潰。南取并州。東舉幽冀。兵不留行。而
數千里之地。定矣。繼以明元。太武。謙。青。克。包。荆。豫。

摧赫連。開關中。集蒲洪。吞遼碣。虜沮渠。并河右。高
車入匹。蠕蠕遠遁。自淮以北。逾於大漠。悉為其有。
子孫稱帝者百有餘年。左社之盛。未有之也。及孝
文嗣位。乃貶戎狄之俗。脩帝王之政。崇儒雅。興禮
樂。其風聲文物。蔚然可觀矣。宣武懦弱。不克負荷。
寵信諛諛。賊虐親賢。元氏之業。於茲始衰。重之以
孝明幼冲。胡后淫恣。嬖倖盈朝。政出多門。賞罰無
章。紀綱大壞。守令貪殘。黎民愁怨。盜賊蠭起。日滋
月益。上之人曾無悛心。而內自睽離。以招外盜。於
是爾朱榮乘之而起。興晉陽之甲。直指伊洛。母后

幼主沉於回淵。公卿百官血濡馬足。雖孝莊勇決
手刃賊臣。而枝黨四集。禍不旋踵。孝武惡高歡之
偏。逃遁入關。遭宇文之禍。不能自脫。東西分裂。相
繼皆亡。嗚呼。人主當國家全盛之時。宴安怠惰。以
失其威福之柄。及民心已去。禍亂已成。雖有明斷
之才。猶不能救。况庸君乎。

北齊

宣帝 天保

姓高。名洋。既篡位。殺元氏七百二十一人。以滅其
族。狂淫殘暴。沉酣成疾而殂。

廢帝 乾

名殷。宣帝子。宣帝臨終。廢幼。屬常山王演。勿殺之。
既立。演廢殷自立。明年弑之。

昭帝 皇建

名演。宣帝之弟。封常山王。篡立。踰年出攻馬。地絕筋而殂。

武成帝 大寧 河清

名湛。宣帝之弟。廢。有陽伏。政事廢弛。傳位太子。
自稱太上皇。

後主 天統 武平 隆化 承光

名緯。成帝太子。奢侈昏亂。周武帝伐齊而滅之。
右北齊五主共二十八年

北齊

歷年圖曰。神武以高世之略。平爾朱之亂。功大勢
成。為魏武所疑。雖有逐君之愆。而能懷。盡恭以
事靜帝。沒身不怠。此其可稱者也。文襄有俊才而
無重德。恃慢無禮。終隕身於奴隸。文宣濇酒殘暴
甚於桀紂。而能信用賢臣。委之以政。威加鄰敵。終
其天年。蓋亦有以得之矣。孝昭明達愷弟。實為齊
之令主。享國不永。惜哉。武成驕淫奢縱。齊業始衰。

後主繼之。昏狂尤甚。謀剪忠良。信用諛邪。十年而
亡。已為倖矣。

後周

閔帝

不敗元

姓宇文。名覺。年十五。篡位。實文護為之。既而惡護
專權。欲誅護。護廢而弑之。

明帝

建元 武成

名毓。閔帝異母兄。封寧鄉公。宇文護立之。憚其明
毓。進毒弑之。

武帝

保定 天和 建德

名邕。明帝之弟。即位後。誅宇文護。起兵滅齊。帝明
斷節儉。臨雍拜老。可謂賢君。

宣帝

宣

名贛。武帝太子。為性驕奢。好殺禪位。與太子閼自
稱天元皇帝。

靜帝

太象

名闡。宣帝太子。年幼即位。太后楊氏。楊堅之女也。
堅為丞相。進爵隋王。遂篡位。

右後周五主共二十四年

後周

歷年圖曰。文帝以閼之衆。東迎孝武。收疲散之
兵。撫貧困之民。任賢以能。列官布職。明部分。務農
桑。以輔魏室。雖以高之強。不能陵也。其所為典
法。施於後世。可不謂賢乎。武帝以英傑之資。受制
強臣。恭默端拱。十有以年。須其罪盈惡熟。為衆所
棄。一旦除之。若撥羶如稿。可謂知柔知剛。知勇兼
備者矣。然後親統六師。以征東夏。齊之險阻不守。
士卒不戰。數月之間。其君臣。致之鼓下。使有周
之境。東漸于海。南傳于江。雖魏室全盛之時。不能
及也。惜乎宣帝恣其淫侈。逞其奇譎。自絕于天。結

怨于民。不及三年。而為異姓。所有悲夫。

總論南北二朝

南北二帝之分王。其在於當時。南以北為索虜。北以南為島夷。未嘗相下也。而自後世觀之。則位均躰敵。皆非正統。亦安得輕此重彼乎。但元魏本夷狄。宋氏繼晉。傳至於陳。皆正朔相承。故史之編年。以南為紀。然南朝宋八世六十年。齊七世二十四年。梁四世五十七年。陳五世三十三年。凡四代總一百七十四年。北朝元魏自道武至恭帝十三世。一百七十五年。北齊五世三十年。後周五世二十

六年。何魏氏國祚之長。而其餘千代之促也。此無他。係其君之賢否而已矣。宋武帝劉裕起於寒微。生擒數帝。遂代晉氏。繼之者曰少帝。義符曰文帝。曰孝武。曰廢帝。子業。曰明帝。曰廢帝。曰順帝。其可稱者。惟文帝元嘉之政也。齊高帝蕭道成代宋。繼之者曰武帝。曰廢帝。昭業。鬱林王。昭文。海陵王。曰明帝。曰東昏侯。曰和帝。其可稱者。惟高帝及武帝也。梁武帝蕭衍代齊。躬儉節勤。政事能文章。然酷信釋氏。以慈失刑。誤納侯景。卒至大亂。繼之者曰簡文。曰元帝。曰敬帝。皆無足稱焉。陳武帝霸先

代梁繼之者曰文帝。曰廢帝。伯宗曰宣帝。項曰後主。
故實其可稱者。唯武帝及文帝也。南朝之速亡。非
以亂君之多歟。後魏拓拔氏自曹魏之時已興矣。
至東晉之末。道武稱帝。繼之者曰明元。曰大武。曰
文成。曰獻文。曰孝文。此五主者。或以功顯。或以德
稱。而孝文尤為賢。其遷都洛陽。改姓元氏。禁胡服。
胡語。制禮作樂。蔚然可觀。有太平之風矣。宣武之
後。明帝為胡后所鳩。魏日以亂。孝莊誅爾朱榮。亦
頗英銳。孝武西奔長安。依宇文泰。於是高歡立靜
帝。而魏遂分為二矣。然猶未遽亡也。東魏則高氏

代之曰北齊。而魏則宇文氏代之曰後周。高歡以
智畧稱。宇文泰以德度勝。皆創業之主也。二氏之
子孫。唯周武帝稱賢。泰後周之祚亦促者。何也。由武
帝之享年不永。而後嗣之非賢也。國祚之修短。雖
由於人。而亦天實為之乎。

隋氏世譜

文帝 開皇 仁壽

姓楊。名堅。父忠。事魏。及周。封隋公。堅。靜帝女。為周
宣帝后。宣帝殂。靜帝幼。堅以元舅。為相。封隋王。遂
篡弒而為帝。都長安。大德王。有威重。能任人。天下

一統人物富盛。後為太子廣所弒。在位十四年。

煬帝 六業

名廣。文帝子。初為晉王。文帝以獨孤后之言。廢太子勇而立之。廣弒父而立。恃其富強。外勤征伐。內恣奢淫。巡遊不息。四方騷然。盜賊競起。宇文化及等弒之於江都。在位十三年。

恭帝 義寧

名侑。煬帝之孫。先封代王。隋朝既亂。唐公李淵兵起。代王為帝。淵為丞相。煬帝在江都遇弒。在位二年。隋竟為唐所有。

右隋三主共三十七年

歷年圖曰。文帝之於周室。非有元功厚德。素洽於人。直以天元暴崩。嗣君幼弱。姦臣矯命。徼幸得之。然明敏儉約。勤於政治。隨才任官。信賞必罰。故能取江南三百年之國。易於反掌。使天下復為一統。百姓繁庶。衣食豐行。突厥室韋。靺鞨。林邑。高昌。女國之屬。莫不稽顙稱臣。奉珍入貢。雖兩漢全盛之時。不能過也。向使後嗣。僅得中材之主。以守之。十世之內。未易亡也。煬帝以悖逆詐謀。坐承富強之業。志驕氣溢。慨然慕秦皇漢武之為人。窮侈極欲。

兵連四夷。政煩賦重。盜賊蠶起。而猶巡遊不息。以樂治憂。惡聞直言。喜自壅蔽。噫。率是道也。雖禹湯文武之子孫。未或不亡。况隋無積善之基乎。

總論

隋文帝之得天下。方之前代。蓋亦異矣。其父楊忠肅。後周以功而封隋。至帝本無功德。但以女為宣帝之后。宣帝驕淫。而又禪位幼兒。遂使大權歸於外氏。是帝之得國本易也。陳氏僅有江南。叔室無道。帝以楊素韓擒虎賀若弼為將。故即位九年而遂平陳。是帝之併天下亦易也。帝勤於政事。勸課

農桑。輕徭薄賦。自奉節儉。即位之初。民戶不滿四百萬。至末年。乃踰八百萬。其治天下。又有以見其成效矣。然帝徒以吏事為能。而不以王政為尚。王通獻太平十二策。而不見用也。煬帝嗣之。恣為淫侈。生民塗炭。其亡之易亦宜矣。煬帝伐高麗之後。兵總一百十三萬。大敗而還。於是楊玄感倡亂。東都而群雄並起。李密據鞏陽。稱魏公。林士弘據江南。稱楚帝。竇建德據河北。稱夏王。薛舉據隴西。稱秦帝。李軌據河西。稱涼帝。李子通據江淮。稱吳帝。蕭銑據江陵。稱梁帝。王世充據洛陽。稱鄭帝。而唐

起晉陽而取閩陝推立代王因奪其位江都之獨夫既亡而群雄之茂刈相繼然後天下一歸于唐考隋之虛數三世總三十年耳蓋嘗論之文帝之開創既無湯武之德而楊帝之繼承乃有桀紂之惡雖欲長世可乎哉當文帝之世房彥謙私謂人曰帝忌刻苛酷太子卑弱天下雖安方憂危亂其子玄齡亦曰帝以詐取天下諸子皆驕奢不仁必自相誅戮危亡可待隋氏之滅先有其徵豪傑者固有以預見之矣

歷代世譜卷之六

歷代世譜卷之七

唐譜

高祖 武德

姓李名淵字叔德隴西成紀人龍封唐公隋亂起兵晉陽克長安稱唐王立恭帝而廢之遂即帝位都長安上德王後以太子建成齊王元吉之死立世民為太子傳位焉自稱太上皇在位九年

太宗 貞觀

名世民高祖次子唐得天下皆世民之功太子建成與齊王元吉欲殺之世民遂殺建成元吉高祖

因傳位焉。帝聰明英武，能聽言用人，故武功文德兼有之。在位二十三年。

高宗

永隆 顯慶 龍朔 麟德 乾封 永隆 弘道 永隆 麟德 乾封 永隆 弘道

名治，太宗第九子，封晉王。太宗以太子承乾不才，廢之而立治。即位後六年，廢皇后王氏，立武昭儀為后。既而帝苦風眩，令皇后決百司奏事。自是政出中宮。在位三十四年。

武后

萬歲通天 垂拱 神功 聖曆 天授 長壽 聖曆 天授 長壽 聖曆 天授 長壽

名曩，初為太宗才人，後為尼。高宗愛而立之。高宗崩，中宗即位，后廢之，立子，是為帝。后臨朝，殺唐宗

室，改唐為周，置蓋為嗣，賜姓武，宰相狄仁傑舉用張柬之等五人，其後迎中宗復位，稱制二十一年。

中宗

神龍 景雲

名哲，高宗太子，即位後，武后廢之為廬陵王，居均州，遷房州。凡一十四年，還東都，居東宮七年。張柬之等迎復帝位，既而荒淫不明，韋氏擅權，滔亂，以毒殺帝。在位六年。

睿宗

景雲 太極

名旦，高宗子，中宗弟，武后之廢中宗也。立旦為帝。七年，改唐為周，是為皇嗣。九年，封相王。又十年，始

即帝位。僅二年。以太子隆基有功。傳以帝位。自稱
太上皇。

玄宗 先天 開元 天寶

名隆基。睿宗太子。即位之初。好賢樂善。勵精政事。
任用姚崇。宋璟等。致開元之治。其後溺楊妃之寵。
致祿山之亂。兵連禍結。幾絕唐祚。乘輿幸蜀。太子
即帝位。在位四十四年。

肅宗 至德 乾元 上元 寶應

名與。更名亨。玄宗太子。玄宗幸蜀。太子即位。于靈
武。郭子儀。李光弼等。剋復兩京。其後制於李輔國。

及張皇后。亂生宮掖。因病而崩。在位七年。

代宗 廣德 永泰 大曆

名倓。更名豫。肅宗長子。初封廣平王。進楚王。成王。既
即位。郭子儀。李光弼等。恢復疆土。帝雖寬仁。不能
明斷。在位十七年。

德宗 建中 興元 貞元

名适。代宗長子。猜忌嚴刻。惑於奸臣。盧杞輩。傾陷
忠良。藩鎮反叛。因辱奉天。陸贄。李晟等。誅惡。還奉
社稷。在位二十六年。

順宗 永貞

名誦。德宗太子。早歲嬰病。既即位。能委任李吉甫等。以安社稷。僅八閱月。傳位太子。自稱上皇。在位一年。

憲宗 元和

名純。順宗太子。即位時。藩鎮強盛。帝懲前代之失。伐叛討逆。故使威令復張。末年為宦官所弒。在位十五年。

穆宗 長慶

名恒。憲宗第五子。喜聲色遊畋。任用非人。唐業始墜。其後服金石之藥。疾作而崩。在位四年。

敬宗 寶曆

名湛。穆宗太子。遊戲無度。狎昵群小。性褊急。宦官劉克明等弒之。立絳王悟。王守澄誅克明。殺悟。立江王涵。在位二年。

文宗 太和 開成

名諱更名宗。子江王也。恭儉不斷邪正。奏請宦官擅權。甘露之禍。死者二十餘人。在位十四年。

武宗 會昌

名炎。文宗之弟。穆宗之子。英敏特達。專任李德裕。削平叛亂。威令復行。在位六年。

宣宗 本

名怡。更名忱。憲宗第三子。武宗子幼，怡以叔父即位。盡心治道，謂之小太宗。在位十三年。

懿宗 咸通

先名溫。更名漑。宣宗太子。懿宗廢唐，唐室之政愈衰。在位十四年。

僖宗 壽 廣 中和 光啓 大德

名儼。懿宗少子。諸宦官立之。方十二歲。政出臣下。威令不行。盜賊並起。在位十五年。

昭宗 乾元 大順 景福 乾寧 天祐 天德

先名晔。更名晔。僖宗之弟。內為宦官所制，外為藩鎮所逼。其後朱全忠篡帝于洛陽，遂為賊。在位十六年。

昭宣 不敗元仍用天祐

名祝。昭宗少子。朱全忠弑太子裕，兄弟九人皆死。方十三歲。在位三年。既而賊弑之。唐亡。右唐二十一主共二百八十八年。

歷年圖曰：高祖舉晉陽精兵，承止隋之弊，房蓋長驅。奄有閩中，命符出師，掃除亂略。遂降李密，繫建德。擒世充。受武周，翦黑闥。夷蕭銑。六年之下，海內

咸服何成功之速哉。蓋以太宗之為子也。太宗文武之才。高出前古。驅策英雄。網羅俊乂。好用善謀。樂聞直諫。拯民於水火之中。而措之於衽席之上。使盜賊化為君子。呻吟轉為謳歌。衣食有餘。刑措不用。突厥之渠。繫頸闕庭。北海之濱。悉為郡縣。蓋三代以還。中國之盛。未之有也。惜其好尚功名。而不及禮樂。父子兄弟之間。愆德多矣。高宗沈溺宴安。仁而不武。使天后斷喪唐室。屠害宗支。毒流縉紳。迹其本源。有自來矣。中宗久罹憂辱。備嘗險阻。一旦得志。荒淫不悛。糞土之墻。安可朽也。睿宗鑒

前之禍。立嗣以功。所謂可與權矣。玄宗明皇能謀有斷。再清內難。開元之初。憂勤庶政。好賢樂善。愛民利物。海內富庶。四夷賓服。寔深於貞觀之風矣。及天寶以降。自以功成治定。無有後艱。志欲耽逸。侈心乃生。志直寢疎。諛諛並進。以遊娛為良謀。以聲色為急務。以李林甫楊國忠為周召。以安祿山哥舒翰為方虎。癰疽結於心腹。而不害。豺狼狃於藩籬。而不知。一旦變生所忽。兵起邊隅。朝堂執轍。而心醉。猛將望塵而束手。腥膻汙於伊洛。流血染於河潼。乘輿播蕩。生民塗炭。禍亂並興。不可救藥。

克運奉宗祀自是之後清廟為禾列方為國運其
晚節倫德之奇甚於祖考矣顧宗不幸異疾疾邪
肆志而能委政家嗣以安社稷足為賢矣憲宗聽
明果決得於天性選任忠良延納善謀師老財屈
兵善輜糧而不為之疑盜發都邑屠害元宰而不
為之恨卒能取重夏清劍南誅浙西俘澤潞平淮
右復齊魯於是天下深根固蒂之盜皆狼顧鼠拱
納質效地稽顙入朝百年之憂一旦廓然矣而怠
者防微變生肘腋悲夫穆宗蒙已成之業承既平
之緒授任非才為謀不臧使柙中之虎復縱暴於

原野網中之魚得自脫於深淵元和之功於茲墜
矣寶曆敬宗輕易荒縱自貽顛覆文宗優游不斷
受制家臣雖有好賢之心文雅之美皆不足稱也
武宗英敏特達委任能臣克上黨如拾芥取太原
如反掌功業不究惜哉宣宗少歷艱難長年踐位
入之情偽靡不周知盡心民事精勤治道賞簡而
當罰嚴而必故方內樂業殊方順軌求諸漢世其
孝宣之流亞與懿宗驕奢無度賊虐不忌輔弼之
任委於嬖寵四海之財竭於淫樂民怨不知神怒
不恤李氏之亾於茲決矣且唐自至德已來近習

用權。藩臣跋扈。譬如羸病之人。以糜粥養之。猶懼不濟。况飲之毒酒。其能存乎。及僖昭嗣位。天祿已去。民心已離。盜賊徧於寰區。蓬蒿塞於城闕。漂泊幽辱。寄命諸侯。當是之時。雖欲救之。其將能乎。

總論

唐興因隋之亂。而高祖名應圖讖。時人皆云楊氏將滅李氏。當興。然高祖初無取天下之心。其所以得天下者。以太宗為之子也。高祖初入長安。尊立煬帝之孫代王侑。然後奪其位。其親臣如裴寂。劉文靜。皆無遠謀。太子建成。齊王元吉。才德皆罕聞。

其剪滅群孽者。太宗之功也。玄宗之立也。其兄寧王憲讓之曰。時平則先嫡長。世亂則先有功。此權宜之道也。高祖以建成為太子。使居太宗之上。遂至同氣相殘。建成元吉皆以戮死。是雖太宗之罪。而實高祖啓之也。太宗文武備具。功治兼隆。貞觀四年之後。斗米三四錢。行旅不賣糶。一時名臣如房玄齡。杜如晦之輔相。魏徵。王珪之諫諍。李靖。李績之征伐。虞世南。褚亮之文學。皆由帝之善任使也。高宗繼之。武后用事。易唐為周。十有六年。賴狄仁傑等忠於唐室。中宗復位。而韋氏之亂。繼起。韋

后既誅。睿宗復位。以玄宗為之子也。玄宗開
元之間。姚崇宋璟韓休張九齡相繼為相。何其治
也。及楊貴妃有寵。李林甫專政。天寶之亂作。而安
祿山稱帝矣。玄宗奪蜀。肅宗即位。克復兩京。上皇
乃歸。首中興之功者。郭子儀李光弼也。代宗德宗
馭失其道。巨寇雖殄。藩鎮復強。順宗立。僅八月。病
而失音。傳位憲宗。是時裴垍李藩李絳裴度等皆
稱賢相。而淮西之平。則李愬之功也。穆宗無德。敬
宗荒淫。文宗恭儉。而受制家奴。武宗相李德
裕而澤路以平。宣宗大中之政。人思慕之。謂之小

太宗。然內侍專權。亦不能去。懿宗奢侈。僖宗昏童。
黃巢僭號。帝奔于蜀。巢誅乃還。昭宗之立。雖有英
氣。而內為宦官所幽。外為強臣所劫。遷朱全忠
遣人入洛。弑帝。至哀宗而止矣。唐歷世二十。歷年
二百九十。其可稱者。三宗而已。玄宗憲宗皆不克
終。太宗雖克終。而行猶有缺。程子曰。漢大綱正。唐
萬目舉。又曰。唐之三經最為不正。此唐之所以為
唐。而不及於三代也。歟。

歷代世譜卷之七

歷代世譜卷之七

五代世譜

後梁太祖

國號 梁

朱溫，宋州人。初從黃巢為盜。僖宗中和二年，巢兵勢日盛，溫降唐為河中。行營招討副使賜名全忠，又為宣武節度使。昭宗立為東平郡王，進東平王，賜回天再造竭忠守正功臣，遷為梁王。稱昭宗。宣昭宣，遂篡唐，稱皇帝。更名是乾元二年，子友圭弒之。而自立，均王友貞起兵討友圭，友貞立。在位七年。

均王

友貞 友明 友德

名友貞更名瑱太祖第三子美客兒沈孚言温
恭儉約但寵信姻黨東連黑龍將士解嚴平極
心唐兵入大梁源主自殺曰亡在位十一年

右後梁二主共一十八年

後梁歷年圖曰太祖始以黃巢降將東遊宣武
其詐力蠶食諸夏地廣兵彊威權日熾志欲無
遠遼唐祚落履不復補自內興不得其死宜矣均
王齊梁之子材不過人棄敬翔王彦章而用趙巖
張歸勣以與莊宗為敵能無亡乎

後唐莊宗 見

名存勗沙陁人朱耶氏先世事唐有功賜姓李父
克用以平黃巢功封晉王存勗襲封以兵威克敵
滅梁稱帝既而矜功自喜好儒者色寵伶人信官
官御衆無法軍士叛亂中流矢殞在位三年

明宗

天成 長興

胡人名邈倍烈晉王克用養子更名嗣源亂軍殺
莊宗請嗣源監國遂嗣位更名亶性不猜忌與物
無競登極之年已踰六十在位年數屢置兵革
罕用拔於五代粗為小康亦賢君也在位八年

閔帝

應順

名從厚。明宗之子也。寬柔不斷。潞王從珂鎮河東。發兵反。直入洛陽。閔帝出奔。從珂廢之。自立。尋弒之。

潞王 清泰

本姓王。為明宗養子。更名從珂。驍勇。與石敬瑭素不相得。敬瑭作亂。求援契丹。合兵破唐兵。契丹册敬瑭為晉帝。潞王自焚死。國止。在位二年。

右後唐四主共十四年

後唐歷年圖曰。武皇以沙陀微種。奄有河東。黃巢之亂。有大功於唐室。上源之變。訟於朝廷而不能

自直。遂與朱氏治兵相攻。糾紛不解。流血成川。僅尸蔽野。至其晚。那鋒銳益衰。窮居一隅。僅能自保。莊宗以弱齡。辭位麾下。諸將皆白首行陣。與武皇並轡齊驅之人。乃能以恩信結其心。英果折其氣。莫不竭力致命。順指如意。遂服真定。從山東取德陽。兼魏博。策馬渡河。而朱氏失國。當是之時。天下莫不震動。諸侯陸梁。踞肆者。皆駭愕相顧。莫敢保其土地。至行恃其險。遠辭禮。倨慢偏師。西指而劍閣不守。觀其行兵。可謂能矣。惜其志小。氣近。驕心易生。矜功自喜。御衆無法。便嬖是用。總及三年。隕

身亡族悲夫明宗無取國之心而為衆所附資性
寬厚克終天祿清泰於危難之中坐受神器之重
得之非難失之亦易負宸未安家為煨燼十年之
中易姓者四禍福相尋何其速哉

後晉高祖

天福

石敬瑭唐明宗之婿既得位割十六州之地以賂
契丹事之甚謹上表稱兒皇帝群臣耻之成德節
度安重榮殺契丹使者晉王設重榮契丹問罪不
已晉主以憂殂子幼景延廣等以國家多難議立
齊王貴重在位七年

齊王

開禧

名貴重既立上書契丹稱孫不稱臣契丹大怒問
罪連年交戰其後契丹兵入大梁晉王出迎契丹
封之為負義侯遷北方契丹既去河東節度使劉
知遠舉兵入大梁自立為帝在位四年晉亡

右後晉二主共十一年

後晉歷年圖曰高祖以地尊勢重迫於猜嫌親執
臣子之禮以事戎狄賂之土地藉其兵力以取天
下羽翼未成不可以高飛國家未治不可以應敵
齊王捨桑維翰之深謀信景延廣之狂策內政不

修而外挑疆隣使流民塗野草胡騎汙官闕生為降虜死為羈魄非不幸也

後漢高祖

天福初舊號

乾祐

姓劉先名知遠既即位更名暉嚴重寡言自以為漢之後國號曰漢立高祖光武皇帝廟百世不遷皇子承訓早喪漢主哀痛病殂在位二年

隱帝

名承祐高祖第二子。狎昵嬖倖羣下作亂為叛兵所弒太后臨朝時契丹入寇太后勅郭威將兵出征將士擁威還京立為帝漢亡在位二年

右後漢二主共四年

後漢歷年圖曰高祖擁精銳之兵居形便之地屬胡騎北旋中州之主故雍容南面而天下歸之豈其材德之首出哉乃會其時之可為也夫根踈者不固基薄者易危隱帝雖有南面之號而政非已出民不知君輕信群小之謀欲除跋扈之臣禍不旋踵自然之勢也父子相繼四年而滅自古享國之短未有若茲也

後周太祖

廣

顯德

郭威為漢鄴都留守天雄節度樞密使隱帝遇弒

將士擁立之。為人儉約。處事平允。亦一時之英主也。在位三年。

世宗 顯德仍舊號

本姓柴。名榮。周太祖妻之姓也。太祖無子。以榮為嗣。為人英武。承積亂之後。用心進取。制勝克敵。既而治律曆。興禮樂。審法令。修政事。用賢才。養百姓。亦五代之賢君也。功未成而早亡。在位六年。

恭帝 顯德仍舊號

名宗訓。世宗之子。七歲即位。世宗每歲征伐。趙太祖匡胤累立大功。中外附順。顯德七年。河東劉

均與北軍入寇。甲匡胤北征。至陳橋驛。諸軍忽變。策匡胤為天子。以國號曰宋。國止。

右後周三主共九年

後周歷年圖曰。太祖負震主之威。挾不賞之功。措身無所。乘危而發。雖履天下之籍。而室家先覆。世宗以異姓之親。入承大統。知近世之弊。起於威令不行。下陵上替。故高平之後。首誅禁。何以振軍法。遂能變弱為強。因敗為功。乘勝逐北。至于太原。歸而簡師習戰。并進取。於是南割江淮。西克秦鳳。北開閩南。攻無名城。戰無疆陣。又以抱鼓之際。

治律曆明典禮審法令修政事收賢士養百姓可謂知治安之本矣人功未成中道而失蓋太平之業天將啓聖人而授之非人謀之所及也

總論

五代之主凡八姓十三世。總五十四年。其年代之甚促何也。蓋承唐末大亂之後。君臣之義不明。而爭奪之相尋也。後梁太祖朱全忠篡唐。其兄全昱罵之曰。汝後黃巢為賊。天子用汝為四鎮節度使。何負於汝而自為帝乎。梁祖稱帝六年。愛假子友文之妻。將立友文而為子。友文所弒。其為不德。梁

可知也。均王友貞既誅。友珪立十一年。唐兵入汴而梁亡矣。後唐莊宗本沙陀人也。父李克用以誅黃巢功第一。封晉王。莊宗嗣父破梁夾寨。梁祖云。克用有子矣。然滅梁之後。以驕怠而敗。明宗雖胡人不學。在位八年。粗為小康。潞王乃其養子。而奪閔帝之位。人心不服。其亡宜也。後晉高祖石敬瑭乃明宗之婿。亦沙陀人也。其攻潞王。借助契丹。雖帝中州而臣於北狄。其子出帝為狄所虜。是亦宜矣。後漢高祖劉知遠亦沙陀人也。晉帝北行。因亂得立。其子隱帝寵信左右。誅戮大臣。遂至過害。父

子二世止於四年而已。後周太祖郭威，太原人也。少起軍伍，雕青在項，謂之郭雀兒。而紫氏之女，願與為配。為帝三年，世宗嗣之。乃其妻兄，敬守禮之子也。自兩漢而下，最賢者三君，魏孝文、周武帝及世宗是也。然世宗六年而殂，恭帝遜位，豈非天乎？其餘十國者，吳、楊、氏、四世，曰行密。曰暹曰隆曰王氏二世，曰建，曰行，吳、越、錢、氏、四世，曰鏐，曰元，曰弘佐，曰弘徽。南、漢、劉、氏、四世，曰龔，曰玢，曰晟，曰鋐。南、唐、李、氏、三世，曰昇。曰勣曰曰璟，曰煜，閩、王、氏、五世，曰審知，曰璘，曰昶，曰曦，曰延政。後蜀、孟、氏、二世，曰知

祥，曰昶，楚、馬、氏、六世，曰殷，曰希聲，希範，希廣，曰希萼。希崇，南平、高、氏、五世，曰季興，曰從海，曰保融，曰保勗，曰繼冲。北、漢、劉、氏、三世，曰崇，曰鈞，曰繼元。此十國之主，其僅稱治者，唯南、唐、吳、越而已。然十國雖皆偏小，與中州實為敵體。閱至小之國也，而其君自大嘗稱中州之帝，為洛州刺史，是安能以相統屬者乎？

歷代世譜卷之八

歷代世譜卷之九

前宋世譜

太祖

建隆

乾德

開寶

姓趙名匡胤。涿郡人。周時為殿前都點檢。世宗殂。恭帝幼。陳橋軍變。因即帝位。都汴梁。大德王天下。削平僭亂。寬仁恭儉。躬致太平。在位十七年。

太宗

太平興國

雍熙

端拱

淳化

至道

名匡義。改光義。太祖之弟。封晉王。太祖病。晉王入內。遙見燭影下斧擲地。而太祖崩。王即位。更名景。開拓境土。任用人才。百度修舉。在位二十二年。

真宗

咸平

景德

大中祥符

天禧

乾興

初名德昌。改元休。又改元侃。再改名恒。太宗子。守已成之業。任寇準。其後惑於王欽若。封禪祠祀。天書土木之事。並起。病昏眩而崩。在位二十五年。

仁宗

天聖

明道

景祐

寶元

康定

慶曆

皇祐

至和

嘉祐

初名受益。更名禎。真宗之子。十三即位。劉皇后臨朝稱制。丁謂用事。自景祐以來。帝方親政。至慶曆之間。君子滿朝。天下承平無事。在位四十二年。

英宗

治平

初名宗實。濮安懿王之子。太宗曾孫。仁宗立為皇子。賜名。嘗太后聽政。宦官譟諸兩宮不和。帝憂病。宰相韓琦。歐陽修。調護而安。在位四年。

神宗

熙寧

元豐

初名仲鍼。賜名頊。英宗太子。即位後。王安石為相。行青苗。助役。均輸等新法。呂惠卿助之。朋黨競起。開邊生事。潛耗國脉。善政始衰。在位十八年。

哲宗

元祐

紹聖

元符

名備。更名煦。神宗之子。十歲即位。高太后聽政。天下稱女堯舜。司馬光為相。改新法。君子滿朝。光亮

太后崩。章惇等用事。新法復行。在位十五年。

徽宗 建中靖國 崇寧 大觀 政和 重和 宣和

名佶。神宗第十一子也。既即位。貶斥善類。進用奸

諛。窮極土木之工。躬行道家之教。童貫等開邊生

事。金兵長驅南來。禪位于太子。在位二十六年。

欽宗 靖康

初名亶。改名烜。又改名桓。徽宗太子。既受禪。金兵

陷汴。二帝赴北。中原皆入金。在位二年。

右前宋九主共一百六十七年

南宋世譜

高宗

名構。徽宗第九子。封康王。即位。汴京既陷。高宗南

度。都于錢塘。以圖恢復。既而秦檜賣國。力主和議。

誅殺功臣岳飛。自是偷安一隅而已。末年禪位太

子。高宗退居德壽宮。在位三十六年。

孝宗

隆興 乾道 淳熙

初名伯琮。宗室秀王子。太祖七世孫。高宗太子。專

死。擇太祖子孫。得伯琮立之。賜名瑛。改名瑋。又改

名昚。受禪即位。末年禪位于太子熈。居重華宮。稱

壽皇。在位二十七年。

光宗 紹熙

名惇。孝宗太子。即位後。皇后李氏欲以其子嘉王為太子。壽皇未之允。李氏語不遜。壽皇怒。上驚懼而病。壽皇崩。上病篤。遂立嘉王。在位五年。

寧宗 慶元 嘉泰 開禧 嘉定

名擴。光宗子。嘉王也。韓侂胄時有策立之功。專權用事。貶宰相趙汝愚。威制天下。排斥善類。大儒朱熹等竄逐無遺。金兵連歲侵擾。在位三十年。

理宗 寶慶 紹定 端平 嘉熙 淳祐 室祐 開慶 景定

初名與莒。宗室趙希壇之子也。太祖十世孫。史彌

遠立之。更名昀。端平初。任員德秀。君子滿朝。自後邪正並進。丁大全為政。末年賈似道用事。自勢之壞。决矣。在位四十一年。

度宗 咸淳

先名孟啟。福王與芮之子。理宗之姪。立為太子。更名孜。又改名榘。再改名譽。即位後。朝政悉出於賈似道。在位十年。

幼王 德祐

名顯。度宗子。即位之明年。元將伯顏入。上安統之北狩。宗止。

右南宋七主共一百五十年

遼世譜

太祖

神冊

天贊

名億。耶律氏。名阿保機。雄勇有畧。國慶夜有光。殺諸部大人併為一。與梁晉連和。其國漸大。遂稱皇帝。

太宗

天顯

會同

名德光。名耀。屈之太祖次子。為人雄傑。改國號遼。滅後唐。立後晉。晉恃遼。遼伐之。入大梁。回軍。樂城之殺胡林死。

世宗

天祚

名阮。名兀欲。太祖長子。突欲之子也。諸將立之。荒淫酒色。述軌弑之自立。大臣迎述律立之。而誅述軌。

穆宗

應曆

名璟。名述律。更名明。太宗之子。好獵嗜酒。晝常睡。人謂睡王。後為庖人所弑。

景宗

保寧

名明。原名賢。世宗之子。柔弱喜音。樂酒色之事。有風疾。不能跨馬。國事決於燕燕皇后。其業自是

夏美

聖宗 景祐 開泰 太平

名隆緒。聖宗長子。十二歲即位。蕭太后專政。復稱
契丹宗真宗時。與宋爭疆。後定和議。以宋為兄。遼
為弟。

興宗 景福 重熙

名宗真。善名。太子。聖宗之子。

道宗 清寧 咸雍 太康 大安 壽隆

名洪基。興宗之子。專政。國號曰大遼。

海陵王 乾統 天慶 保元

名延禧。號天祚。太宗之孫。刑賞濫。荒好禽色。女
貞叛。改號大金。與宋夾攻之。遼為金所破。擒天祚。
遼亡。

右遼世九主共二百一十年

金世譜

太祖收國天輔

解骨 煥 煥 善名 旻初事遼。天祚無道。每歲徵海東青
於女貞國。人甚苦之。乃舉兵叛。破遼兵。遂稱帝而
滅遼。

太宗 天會

恭名吳乞買更名晟太祖之弟也既滅遼復攻宋陷汴
京執宋二帝北行宋中原陝西之地遂皆為金之
所有

熙宗

天會

天眷

皇統

養名曷羅更名亶太祖長子宗凌之子即位後國中
多叛北兵侵擾熙宗好殺宗族宰相完顏亮弑之
自立

海陵王

天德

貞元

正隆

名亮太祖之孫即位後遷都燕京復遷汴梁舉兵
伐宋其母諫之亮弑母以懼其衆遂至揚州將士

世宗

大定

習名烏祿更名雍太宗之弟為人賢明仁恕北方之
人稱之為小堯舜與宋通使往來修好兩國各得
安靜

章宗

明昌

承安

泰和

名璟世宗之孫初年國事無事宋韓侂胄開邊生
事金兵大舉伐宋宋斬兀朮酋首謝罪于金再成
和議

東海郡侯

大宴

堂

書

名永濟。世宗之子。章宗之叔也。即位之後。國內無
歲不受兵。幾至亡國。又六將士之心。大將死。烈石
弑之。

宣宗

貞祐

興定

元一

名珣。世宗之孫。章宗之九元。兵至燕。金主乞和。後
一年。燕京陷。金國日削。山東叛亂。南有宋兵。歲無
寧日。

哀宗

正大

開禧

天興

名守緒。宣宗子。即位後。連歲敗兵。走蔡州。元兵與
宋兵夾攻之。守緒自焚。末帝承麟亦為亂。兵所殺金二

右金世九主共一百八年

總論宋遼金

宋之有天下。蓋因五代之亂。風諸將推戴。以圖富
貴。然五代之君。得之易。失之易。而宋乃至三百十
七年之久。若固天之所命。亦由太祖知識之明。而
法制之善也。趙氏之先。本微。太祖生於夾馬營。非
世有功。闕而點檢為天子。亦書見其兆。嘗受命之
始。五星聚於奎。故曰天也。諸將石守信。王審琦等
以黃袍加帝之身。豈誠為趙氏之純臣哉。其意
以為威權在己。則他日亦若是也。而太祖用趙普

之計解諸將之兵權。由是人無異志矣。故曰知識之明也。五代多以武人為牧守。易於生亂。太祖則以儒臣為之。又置通判以分其權。而尤嚴賊吏之法。寬奇暴之征。故曰法制之善也。由是而文武效。用財力富強。凡僭偽之國。盡削平之。然父有天下。傳之子。古之道也。太后杜氏欲兄弟相傳。而趙普又成其私。致太祖不得正其終。而秦王廷美及太祖二子亦皆不得其死。惜哉。若太宗之致治。亦云美矣。而普凡三入相。有功於兩朝。亦多矣。太祖嘗言相須用儒。又嘗勸普學。普亦嘗請以論語佐兩朝。

然太祖之世。文化猶未盛也。至太宗則盛矣。真宗之世。寇孽賢相也。而以契丹之事。為王欽若所譖。王旦亦賢相也。而偽為天書者。旦亦不能無責。準之再相。亦以是蒙擢。而丁謂又以計去準矣。迨於仁宗。其過而夏之兵者。韓琦范仲淹之功也。致慶曆之治者。亦韓范與富弼三人之力也。而帝之恭儉愛民。四十一年。終始若一。真可謂仁矣。英宗猶子。纂承大統。在位四年。神宗繼之。神宗之志。將大有為。相王安石而新法病民。哲宗幼冲。太后垂簾。相司馬光而弊法盡革。然太后既崩。而安石之黨

復用矣。徽宗濬修所務者土木。所崇者道教。金兵南下。傳位欽宗。良將不能用。無戰守之人。奸諛惑其心。為偷生之計。汴京失守。父子為虜。哀哉。高宗南渡。駐蹕臨安。前誤於汪黃。李綱獲罪。後誤於秦檜。岳飛被誅。時可恢復而專為和議。時則有其將而無其君。孝宗受禪。有志中原。而虞允文前以朱石之功。致卿相之位。遂惑上聽。用師于金。邊釁誤開。卒無成效。時則有其君而無其將。光宗有疾。在位不久。寧宗之世。韓侂胄專政。而朱熹不用。偽學有禁。理宗之世。史彌遠亦專政。而帝之為學。能崇

朱氏。度宗十年。任賈似道。北兵遂至。少帝為虜。三宮北行。一王逃生。出息閩廣。而三百餘年。事尚儒學。群臣之殉國死義者。唯文天祥之節為尤著也。抑又考之宋之郡縣也。北有遼帝。及其南渡。又有金帝。遼起於朱梁均王之時。其初曰契丹。太祖阿保機。太宗德光。世宗元欲。穆宗述律。景宗明彥。聖宗隆緒。興宗宗貞。道宗洪基。末主延禧。燕王溥。凡十世。一百八十年而亡。遼雖本夷。然諸君與宋相抗。亦罕聞其大惡也。金起於宋大觀乙未之歲。其先曰女真。太祖完顏。是年阿骨打太

宗晟熙宗皇煬王亮世宗景宗章宗璟備王永濟宣
宗均哀宗守緒凡九世一百十七年而亡其初統
遼取宋國多殘酷而世宗與宋孝宗同時南北皆
治人稱為小堯舜哀宗之亡無死社稷亦為難矣
合南北而論之亦為中華之主國正統也而元朝
修史又欲以金統宋議論不次揭太史僊斯因以
宋遷金為敵國而各立帝紀謂之三史云

歷代世譜卷之九

歷代世譜卷之十

元朝世譜

太祖

姓奇渥溫氏名鐵木真蒙古部人丙寅改元至下
亥崩在位二十三年壽六十六歲

太宗

名窩闊台太祖第三子太祖崩越二年改元
光獻皇后弘吉刺氏在位十三年崩壽五十
六謚英文后馬真氏臨朝五年定宗立

定宗

名貴由。太宗長子也。母曰六皇后。乃馬真次也。以丙午年即位。改元至戊申。崩。在位三年。壽四十三。后海迷失抱子失烈門。垂簾聽政。諸王大臣不服。後二年立皇弟蒙哥。

憲宗

名蒙哥。太祖第四子。睿宗拖雷之長子也。母曰荏駝太后。性烈。即位改元。巳未南征。五月崩于釣魚山。在位九年。壽五十有二。謚桓簡。立同母弟忽必烈為世祖皇帝。

世祖

中統 至元

紀元自世祖至元十六年為始。接正統已上係宋年号內。

名忽必烈。憲宗同母弟也。庚申即位。改元中統。至甲子。改至元。在位三十五年。甲子年春不豫。壽八十。謚聖德神功文武皇帝。

成宗

元貞 大德

名鐵木耳。世祖之孫。乃裕宗真金第三子也。母曰徽仁裕聖皇后弘吉烈氏。初裕宗薨。帝年二十有一。後八年授皇太子。世祖崩。甲午即位。改元元貞。丁酉改元大德。至十一年丁未崩。在位十有三年。壽四十有二。謚欽明廣孝皇帝。立皇姪懷寧王為武宗。

武宗 至大

名海山。順宗答剌麻八剌之長子也。母曰興聖皇太后弘吉刺氏。戊申即位。改元至大。至四年辛亥崩。在位五年。壽三十有一。謚仁惠宣孝皇帝。

仁宗 皇慶 延祐

名愛育黎拔力八達。武宗同母弟也。壬子即位。改元皇慶元年。至七年庚申不豫。在位十年。壽三十六。謚聖文欽孝皇帝。

英宗 至治

名碩德八剌。仁宗嫡子也。母曰懿慈聖皇后弘吉

刺氏。辛酉即位。至治三年八月為鐵

失赤斤鐵木兒所弑。壽二十一。謚睿聖文孝皇

帝

泰定帝 泰定 致和

名也孫帖木兒。顯宗甘麻剌長子。裕宗之嫡孫也。甲子即位。改元泰定。至戊辰。改元致和。元年七月崩。在位五年。壽三十六。立明宗

明宗

名和世㻋。武宗長子也。母曰仁獻章聖皇后。亦乞烈代。未改元。八月。宴皇太子文宗及諸王大臣于

行廢。庚寅日暴崩。壽三十歲。

太宗 天曆 至順

名圖帖睦耳。武宗次子。明宗弟也。母曰文獻昭聖皇后唐兀氏。於致和元年九月十三日即位。以致和元年戊辰為天曆元年。庚子改為至順元年。至壬申年八月乙巳日。天鼓鳴于東北。巳酉日隴西地震。是日崩。在位五年。壽二十九歲。謚聖明元孝。國言為札牙篤。皇帝。後至元六年六月以帝謀為不軌。使明宗飲恨而崩。遂詔除其廟主。

寧宗

名懿璘質班。明宗次子。母乃蠻。直氏。文宗崩後十月即位。十一月遂崩。年七歲。謚冲聖嗣孝皇帝。

順宗 元統 至元 至正

名安懼帖睦爾。明宗之長子。母罕祿魯氏。名邁來迪。郡王阿兒斯蘭之孫也。初太祖取西北諸國。阿兒斯蘭率其眾降。乃封為郡王。俾領其眾。及明宗北狩。遂納罕祿魯氏。以延祐七年庚申四月丙寅生帝于北方。至順四年六月即位。十月改至順四年為元統元年。至三年改至元元年。辛巳春。改至正元年。至二十八年戊申八月。

大明皇帝兵至京。夜開建德門北去。一年駐應昌府。又一年四月崩於應昌。在位二十六年。壽五十一歲。

大明皇帝以帝之順天。命退避。謚曰順帝。而元朝帝自

太祖興。至是十四世。凡一百六十三年。繼正統九十年。

總論

元之先起於北方。在唐謂之韃靼。後謂之韃靼。宋寧宗之世。太祖皇帝鉄木真。開創洪業。連歲攻金。遂取燕京。太宗嗣位。以甲午歲滅金。憲宗以己未

歲伐宋。晏駕于合州。世祖忽必烈於庚申歲改元中統。甲子歲建號大元。改元曰至元。丙子歲為至元十三年。始滅宋。世祖為太祖之孫。憲宗之弟。為藩王時。開府長安。首招文學之士。使參謀議。即位之後。志在混一。文武之臣。各及其用。建官定制。興學明曆。則許文正公。總率大兵。以定江南。則丞相伯顏。在位三十五年。太子貞金先亡。成宗以孫承統。武宗仁宗皆成宗之兄子也。成宗晏駕。安西奸位。仁宗誅之。以位讓兄。故武宗之立。不立子。周王為太子。而約以位傳之弟。弟復以傳之姪。仁宗在位

十年。設科取士。尊禮儒臣。海內咸乂。然不傳位周王而傳之子。是為英宗。在位四年。天性剛果。群下畏之。禍變遂作。於是迎晉王立之。而帝能。不賞私勞。遂臣正法。在位五年。晏駕上都。丞相倒刺沙輔立太子王禪。大臣燕帖木兒在京師與衆謀曰。今周王居北。梁王居南。大位歸之周王正也。王既遠。則立其弟梁王亦正也。而王禪安得立乎。乃使人密告河南省平章伯顏。時梁王自建業方迂江陵。伯顏使迎王入京師。王即位。下詔。暴晉王之罪。謂其與逆臣通謀。致英宗失位。於是命將討王禪。

殺之。詔又云。朕之即位者。權也。使告周王而推尊之。周王將至上都。梁王迎之。而周王道薨。上廟號曰明宗。梁王之後。丞相伯顏迎立至正皇帝。即明宗之子也。君子曰。元之有天下。殊方絕域。靡不臣服。輿圖之廣。亘古所無。而世祖之定法也。本之以寬仁。加之以周密。繼繼承承。勿替引之。宜無弊也。然立賢無方。學古入官。禮義廉恥。國之四維。治道之要也。世祖之約。不以漢人為相。故為相皆國族。而又不置諫官。使忠直路塞。文學之士。雖世世不乏。而沉於下僚。莫究其用。所賴以為用者。唯吏師。

而已。其為法如是。是以朝官苟且之政。而士無寒
誇之風。官有貪婪之實。而吏多欺誑之文。將欲永
保萬邦。比隆三代。無乃未之思乎。

歷代世譜卷之十

歷代世譜後序

弘治壬戌冬。侍御太原陳公奉

命巡按東藩。既逾年。宣湮發幽。百度咸貞。東人以寧。公意未始足也。曰。予典六察。實領茂異。惟予其敢後。乃集章縫之徒。與之語道理。稽古今。今鎬以職事獲聞。公言為詳大意。

謂道理之在天下如天之有日星
引首而見之古今則猶息之有旦
暮歲之有四時循環而無窮焉學
者明于天下之理而不通夫古今
之故固無以達世變而盡物情且
將與其所謂道理者亦俛然無所
依據焉矣鎬於是知公好古博雅

不但持風裁飾法令提綱維以仰

副

簡命也因相與究極其旨以為非六
經四書無以明道理非諸史無以
通古今在學者誠不可缺也而史
之名目世之因革終身誦之有不
能舉其凡况初學乎公迺慨然太

息戚然若有深憂於後進者及得
歷代世譜一書忻然出以示鎬曰
是博而約千古之勅可以發矣乃
益知公充養有素學務體要而志
切成物殆非好古博雅所能盡也
公既梓行于濟南屬鎬序諸末簡
因述所聞于公俾學者知公之意

蓋將以是為窮理之助而非但以
為博古之端也

弘治癸亥孟冬望日

賜進士第中順大夫山東按察司副

使奉

勅提督學校江東陳鏞謹書



1111

